

prendrent garde pour la petite suspicion qu'on auoit
de luy. Toutefois vng homme perse filz du seigneur
de gaur ayant semblable affection enuers Laure
olle que auoit L'eriano suspeconna amour entre
eulx deulx. Et comme ainsi soit que les suspicions
de Jalousie desordonnent les choses secrettes tant
nota et regarda des lors en auant leurs parolles
gestes et maintiens quil donna foy a sa suspicion
et non seulement donna foy a ce quil voit qui
nestoit Riens mais a ce quil pensoit quil estoit Le
tout. Et avec ce mauuais pensement sans autre
deliberation ne conseil esprins et forcene de Jalousie
sen alla deuers le Roy et luy dist en secret assen
rement que Laureolle et L'eriano se entreaymo
ient et que toutes nuiz apres quil estoit couche
sentie voyoient. Et que de ce l'aduertissoit pour
a complir serment de fidelite quil auoit a luy faire
seruice et garder son honneur. Quant le Roy len
tendit Il fut fort trouble et fut long temps tout
pensif sans dire mot ne respondre. Et apres quil
eut longuement pense tint pour veritable ce que
perse luy auoit dit croyant que son auctorite con
sideree ne leust ose dire sil nen estoit assure parquoy
Incontinent fist appeller perseo et luy dist puis
que telle chose estoit quil luy scauoit bon gre de len
auoir aduertir et quil congnoissoit sa fidelite vou
lant le preseruer de deshonneur. Mais quil failloit
quil appellast L'eriano de trahison selon les loys du
pays Auquel comandement fut perseo moult esto
ne. Toutefois La qualite du negoce lessor sa octro
per et Respondit au Roy quil acceptoit son comande
ment Louant dieu quil luy offroit cause pour la